



Մի պահ ձեռնադրության արարողությունից



ԵՊԻՍԿՈՊՈՍԱԿԱՆ ԶԵՌՆԱԴՐՈՒԹՅՈՒՆ

Հոկտեմբերի 14-ին, կիրակի.—Այսօր Մայր տաճարում տեղի է ունենում եպիսկոպոսական ձեռնադրություն:

Ամենայն Հայոց Վեհափառ Հայրապետը եպիսկոպոս է ձեռնադրում Կանադայի հայոց առաջնորդ Ս. Վալզեն ծ. վրդ. Քեջիշյանին և Բրազիլիայի հայոց թեմի առաջնորդ Ս. Տաթև ծ. վրդ. Ղարիբյանին:

Հոկտեմբերի 13-ին, շաբաթ օրը, երեկոյան ժամերգությունից հետո, Մայր տաճարում, ըստ Հայաստանյայց Եկեղեցու ավանդության կատարվում է նորընծաների «ընտրություն և ուխտադրություն»:

Իջման Ս. Սեղանի առաջ Ս. Վալզեն և Ս. Տաթև ծայրագույն վարդապետները ուխտում են «հաւատարիմ լինել Սրբոյ Էջմիածնի մինչև վվախճան կենաց իրեանց, կալ մնալ հյու հպատակութեամբ ի ներքո իշխանութեան և հրամանաց Սրբոյ Կաթողիկէ Մայր Աթոռոյ»:

Ուխտագրի ընթերցումից հետո, նորընծաները այն ստորագրում են: Ուխտագիրն ստորագրում են նաև Մայր տաճարի լուսարարապետ Ս. Հուսիկ արքեպ. Սանթրոյանը և Մայր Աթոռի դիվանապետ Ս. Ներսես եպս. Պոպապյանը՝ որպես վկաներ:

Հաջորդ օրը Վեհափառ Հայրապետը եկեղեցական թափորով առաջնորդվում է Մայր լուսաւոր՝ մատուցելու ս. պատարագ և կատա-

րելու եպիսկոպոսական ձեռնադրություն: Հայոց Հայրապետին, որպես առընթերականեր, ուղեկցում են Ռումինիայի և Բուլղարիայի հայոց թեմերի առաջնորդ Ս. Տիրայր արքեպ. Մարտիկյանը և Մայր Աթոռի դիվանապետ Ս. Ներսես եպս. Պոպապյանը: Օրվա հանդիստւոյան խարտավիական է Ս. Արսեն եպս. Բերբերյանը:

Մայր տաճարի Ս. Ստեփանոսի սեղանի առաջ սկսվում է ձեռնադրության սուրբ խորհուրդը: Ամենայն Հայոց Հայրապետը իր ազդոքներով և օրհնությամբ նորընծաներին է շնորհում եպիսկոպոսական կոչման յոթ աստիճանները:

Այնուհետև Ավագ Սեղանի վրա Նորին Սրբությունը շարունակում է ձեռնադրությունը:

Հայոց Հայրապետը ընթերցում է ձեռնադրության մեծ աղոթքը՝ «Դու, Տէ՛ր, այսօր վերածեր տնօրինութեամբ քո ի քահանայապետական շնորհ, տո՛ւր սոցա նմանիլ Քեզ՝ ճշմարիտ Հովուիդ, դնել զանձինս իրեանց ի վերայ ոչխարաց, առաջնորդ լնել կուրաց, լոյս խաւարելոց, խրատիչ անպգամաց, լուսատու տիեզերաց...»:

Սույն աղոթքից հետո, նորընծաները, ծընրադիր, դեմքերը դարձրած դեպի հավատացյալ բազմությունը, հրաժարվում են աշխարհի ունայնություններից, նույն պահին էլ հըն-



Վեհափառ Հայրապետը օծում է ձեռքերը Ս. Վազգեն նորապատկեցի եպիսկոպոսի



Վեհափառ Հայրապետը օծում է ձակաոր S. Տաթև նորապսակ եպիսկոպոսի

չում է «Աստուածային և երկնաւոր շնորհ...» շարականի երգեցողությունը, որը կրկնվում է երեք անգամ: Վեհափառ Հայրապետը կատարում է ձեռնադրության ու օծման կարգը:

Ապա համապատասխան աղոթքներով նորած եպիսկոպոսներին տրվում է եպիսկոպոսական գավազան և մատանի:

Վերջին Ավետարանի ընթերցումից հետո, Վեհափառ Հայրապետի «Պահպանիչ»-ով ավարտվում է ձեռնադրության խորհուրդը:

Այնուհետև Հայոց Հայրապետը նորապսակ եպիսկոպոսներին տալիս է իր հայրական պատգամն ու խորհուրդները:

Նորին Սրբությունը իր քարոզն սկսում է «Ուրախ լեր, Ս.Եկեղեցի» բնաբանով: Իր խոսքի սկզբում Վեհափառ Հայրապետը նշում է, որ այսօր ս. պատարագի արարողության ընթացքում կատարվեց սրբապան մի խորհուրդ՝ Հայ Առաքելական Եկեղեցու երկու ծայրագույն վարպետների շնորհվեց եպիսկոպոսական աստիճան: Դա մեր Եկեղեցու համար բացառիկ արարողություն է՝ հոգեպնայլ երգեցողություններով և աղոթքներով:

Այնուհետև Նորին Սրբությունը հավատացյալ ժողովրդին է ներկայացնում նորընծա երկու եպիսկոպոսներին, խոսում նրանց հոգևոր բարեմասնությունների և ծառայության ոգու մասին:

Վերջում իր խոսքն ուղղելով նորընծա եպիսկոպոսներին՝ Հայոց Հայրապետն ասում է. «Սիրելի սրբապաններ, այս հուպիչ և հանդիսավոր պահին, հոծ հավատացյալ ժողովրդի ներկայությամբ, դուք ձեր ուխտը կատարեցիք՝ անմնացորդ կերպով ձեր կյանքը նվիրելու մեր մայր Եկեղեցուն, մեր համար հավատացյալ ժողովրդին և մեր վերածնված մայր հայրենիքին: Այս երեք գաղափարները մեր գիտակցության մեջ կապմում են մեկ անբաժան ամբողջություն: Վստահ եմ, որ դուք այդ ոգով կնվիրվեք Եկեղեցուն, ապգին և հայրենիքին ու բարձր գիտակցությամբ կշարունակեք ձեր առաքելությունը, այս անգամ եպիսկոպոսական գերագույն իշխանությամբ:

Մաղթում եմ ձեզ հոգվո և մարմնո լիակատար տոկուն առողջություն, անսպառ եռանդ, կորով, համբերություն և իմաստություն, որպեսզի ջարդունակեք ձեր սրբապան ծառայությունը:

«Ողջ լերուք, պորագեալ սուրբ Հոգով, յաւետ օրինեալ ի Տեառնէ եւ ի մենջ, ամէն»:

Վեհափառ Հայրապետի ոգեշունչ խոսքից հետո շարունակվում է ս. պատարագը:

Հավարտ ս. պատարագի Հայոց Հայրապետը առաջնորդվում է Վեհարան, ուր ժամը 15-ին նորած Ս. Վապգեն և Ս. Տաթև եպիսկոպոսների պատվին տրվում է պաշտոնական ճաշկերույթ:

Ճաշկերույթին ներկա էին Գերագույն Հոգևոր Խորհրդի անդամները, Մայր Աթոռի միաբանները և սպիտաքահայ հյուրեր, այդ թվում՝ Բրազիլիայի Ազգային Կենտրոնական Վարչության ատենապետ Արշավիր Տոնեյանը, վարչության անդամ գանձապահ Արթուր Ավետիսյանը, համայնքային վարչության անդամներ Թորոս Ջանիկյանը, Ջոհրապ Բումբերյանը, Կանադայից Ջորջ Իսրայելյանը, տիկին Բոյաջյանը և այլ ուխտավորներ:

Ճաշկերույթին ներկա էին հյուրաբար Մայր Աթոռում գտնվող Լատվիայի Ավետարանական-լուծարական Եկեղեցու արքեպիսկոպոս, Նորին Սրբապնություն Ս. Յանիս Մատուլիսը և արտաքին հարաբերությունների բաժնի ընդհանուր քարտուղար պատվելի Կառլիս Գայլիտսիսը:

Սույն ճաշկերույթին ներկա էր նաև ՀՍՍՀ Միևիստրների խորհրդին առընթեր Հայ Եկեղեցու գործերի խորհրդի նախագահի տեղակալ Անդրանիկ Հասրաթյանը:

Ճաշկերույթի ժամանակ նորապսակ սրբապաններին առաջինը շնորհավորելով՝ Վեհափառ Հայրապետը իր խորունկ ուրախությունն ու գոհունակությունն է հայտնում օրվա արարողության համար և Կանադայի ու Բրազիլիայի հայոց թեմերի առաջնորդ եպիսկոպոսներին ցանկանում նորանոր հաջողություններ իրենց հոգևոր առաքելության ճանապարհին:

Հայոց Հայրապետի խոսքից հետո նորապսակ սրբապաններին ուղղված շնորհավորանքի սրտագին խոսքեր են ասում Ս. Սիոն արքեպիսկոպոսը, պր. Արշավիր Տոնեյանը, տիկին Բոյաջյանը և ուրիշներ:

Վերջում Վեհափառ Հայրապետին ուղղյալ որդիական երախտագիտության և շնորհակալական սրտաբուխ ջերմ խոսքեր են արտասանում նորապսակ եպիսկոպոսները՝ մի անգամ ևս շեջտեղով, որ հավատարիմ կմնան իրենց ուխտին և ամեն ինչ կանեն արդարացնելու Հայոց Հայրապետի սպասումներն ու հույսերը:

